

Indianer

STROPHE 1

d g
letschti bim spaziere, hey was liid da au vor mier, zwei riesegrossi Fädere vomene
d
gfäderete Fädertier
d g
ich bind sie uf de Chopf, eini dier und eini mier, die wunderschöne Fädere vo dem
d
gfäderete Fädertier
d g
zum Indianer ghört en Name, so wie d Hörner uf de Stier, ich heisse Häuptling Fädere wäge dem
gfäderete Fädertier

REFRAIN

d A G A
mier läsed Spuure im Sand, hend en Fädere ufem Chopf, s Bieli i de Hand, trümmeled ufem Blumetopf
A d A G A
mier sind *INDIANER*, schlieched umenand
A d A G
mier sind *INDIANER*, möched wu, wu, wuwuwuwuhh
d
mit de Hand

Akkorde analog Strophe
wbl wbl wbl wbl wbl

STROPHE 2

Indianer sii isch schwierig, hey nei ned jede channs, öppis wo muesch chönne isch e
rägige Rägetanz

Mier hüpfed rings um s'Füür, in üse Auge gsehsch en Glanz, sisich en riese Plausch sonen
rägige Rägetanz

Plötzlich fads a tröpfle und ich merke hey ich hans
gschafft dass afad ragne dank mim
rägige Rägetanz

REFRAIN

mier sind Indianer, schlieched umenand
mier sind Indianer, sitzed binenand
mier sind Indianer, jaged am Waldrand
mier sind Indianer, sammled allerhand
mier sind Indianer, zeichned Züg a d'Wand
mier sind Indianer, üse Pfillboge de isch gspannt

mier sind Indianer, möched Rauchzeiche, zeiged am Papi eso, nei mier chömed ned hei will mer indiänerled
mitenand.